



河陰縣志目錄

卷一

圖 疆域總圖 疆域分圖 縣城圖 公署圖 學校圖

卷二

沿革考

卷三

疆域考 位置 形勢 氣候 道里 交通 區域

卷四

山川考 (山脈) 山陰 山原 (河渠) 河水 濟水  
汴水 索水 澶然

卷五

建置考  
城池 街市 官署公廨 壇廟 坊表

卷六

古蹟考  
城砦 亭臺 宮 倉塲 道 鄉里 祠廟 田園 頂 澗谷 溝渠 隄防

津渡  
井泉 墳墓

卷七

民賦考  
丁戶 地糧 漕米 灘田 歲入經常費 歲出經常費

卷八

風俗物產考  
風俗 習尚 言語 禮儀 歲時 物產 天然物 製造物

卷九

學校考  
廟祠 祀典 書籍 學田 學區 學務 機關

卷十

兵事考

卷十一

藝文考  
明 清

卷十二

職官表  
唐 宋 明 清 民國

卷十三

選舉表  
元 明 清 民國

卷十四

宦績傳  
唐 宋 明 清

卷十五上

人物傳一 元 明 清

卷十五下

人物傳二 宋 明 清

卷十六上

列女傳一 明 清

卷十六下

列女傳二 清 民國

卷十七

雜記 記地 記事 記人 記言

附金石考二卷文徵三卷

河陰縣志卷四

山川考

河陰名山厥惟廣武崔魏盤互綿互東西久爲兵家所必爭而史家亦大書特書不一書此外則別無陵阜矣川之大者黃河爲最然以廣武屏障故山南得免水患惟洪流汕測日甚一日而崖谷崩摧恒厯數十百年而情形一變卽至大如敖山亦與波臣俱逝他更無論已自今以往安知千萬禩後所謂差我突兀者不盡爲濁浪淘盡耶其次則曰汴曰濟曰澶然大都湮爲平原或僅存故迹惟索水縈紆尙留衣帶然岸高流淺無舟楫灌漑之利其濬泊有

難緩者夫黃河自神禹疏鑿以來出龍門沛然東下由孟  
津過洛汭至大伾北乃入海數千百年無大差異自宋始  
南徙經鞏溫汜河而東在在與廣武相依而坍塌之患始  
亟由此而下則改道者已七八矣向之狂濤澎湃者不幾  
時而易爲田里況於漫溢之支流開通之溝瀆其不能歷  
久不淤也決矣然則滄海桑田舉作如是觀可也考山川  
山脈

山之名見於典籍者有二一廣武山水經注濟水北有石  
門亭南戴三皇山卽皇室山亦謂之三室山也濟水又東  
逕西廣武城北濟水又東逕東廣武城北括地志在滎陽

西二十里一名三皇山亦曰三室山又名敖鄆山通鑑綱目集覽廣武孟康曰於滎陽縣西二十里築兩城相對爲廣武在敖倉西三皇山上戴延之西征記三皇山上有二城東曰東廣武西曰西廣武各在一山頭相去二百步汴水從廣澗中東南流今澗明一統志廣武城名在開封府河陰縣北十里廣武三皇二山之上蓋二山相連其上有東西廣武二城卽楚漢相據處也元和郡縣志河陰三皇山亦曰敖高山左傳晉師在敖鄆之間太平寰宇記廣武澗在滎澤西二十里西征記三皇山上有二城東曰東廣武西曰西廣武元豐九域志河陰有三皇山輿地廣記河

陰有三皇山亦曰敖鄙山上有三城卽劉項相持處明一  
統志廣武山三皇山俱在河陰縣北一十里二山相連明  
史東北有廣武山與三皇山連明史稿東北有廣武山一  
名三皇山清一統志在河陰縣北五里元統志山在河陰  
縣北一里河陰縣志河陰縣十里外捍大河內包原壤上  
有九頂十八峪旁有小山曰金山河南通志三皇山廣武  
山俱在河陰縣北約十餘里二山相連其上有廣武二城  
卽楚漢屯兵相拒處其麓東跨滎澤南臨汜水連互五十  
餘里其旁有小山名金山考各書以廣武名山者始見於  
宋史河渠詳後石引各書明以前皆以三皇或敖鄙名山而

廣武祇以名城但漢時三城皆以廣武名理實未安其曰  
漢王軍廣武項王亦軍廣武則廣武爲山名明矣左傳晉  
師在敖鄆之間杜注敖鄆二山名在滎陽西元和郡縣志  
曰敖高輿地廣記曰敖鄆是與杜注相矛盾今若依杜注  
分爲二山則鄆山當佔廣武地位且廣武又類鄆之延音  
其爲轉變異名可知如是漢之廣武卽春秋時之鄆三皇  
三室皇室者乃漢以後屢改不定之名此數名稱止是一  
山一敖山水經注濟水又東逕東廣武城北又東逕敖山  
北又東合滎瀆括地志在滎陽西北十五里石門之東漢  
書音義敖地名在滎陽西北太平寰宇記在滎澤西十五

里廣輿記敖在河南河陰縣明史稿廣武山又西有敖山  
明史廣武山西有敖倉清一統志在河陰廢縣境內河南  
通志敖山在河陰縣西夫敖山在廣武東水經注詳之矣  
自明以來率以牛口爲敖是誤認倉頭爲敖倉也今考敖  
山所在陳眉公云一山名敖自南而北一山名返出自北  
而南勢不相合開封府志嶽山在廣武山北北枕黃河南  
臨陡澗人稱小桃源陡澗卽戴氏所云汴水從澗中東南  
流之澗也據杜元凱陳眉公及開封志之說更就實地驗  
之則嶽山卽敖山也北音嶽讀如中州腰北音敖讀如中  
州饒因北人初來缺此一母故就疊韻轉爲已所固有之

嶽也若是敖山久已不存巍然在者廣武而已其山本嵩  
嶽餘脈除礫石外餘皆土質故陵不如谷之著名分兩路  
詳之

山陰

西自土地廟溝起陟其顛卽砦八坪砦八坪者明季王氏  
築砦之所也遺址尙存再東卽石槽溝中稍有居民不成  
邑由石槽溝蜿蜒四里許爲蓮斗峪峪上七峰對峙因以  
名焉再東爲宋溝內有一泉居民惡其當道塞之池溝溝  
舊有池故名今涸上二溝間有廣武砦明末所築清咸豐  
間更廓大之重建新壁故者在內新者在外環拱狀如城

郭李坡堂溝馬溝楊樹溝張圪塔蘇坡黃家台柿園溝依次櫛比直達牛口牛口爲卷阿盡處形勢特卑山且盡中有口爲曩時倉頭口往來孔道上有土寨題曰黃牛蓋以峪名牛口故山爲黃牛嶺脈再起形勢突兀直折而北爲草廟溝卽灘田所謂王世鐸庄也再北有河神廟明時重建沿河之民多奉水神特此處建築較他莊嚴耳洪山爲又北一峯比他山亦非過峻以附麓居民而名亦曰孫溝瘞巴溝沒門溝在其北俱人煙寥落秦王砦據沒門溝之上四壁高竦下臨深谷要地也一曰秦王頂俗曰秦方丈誤此當由民族遷徙語言交替時所轉北有棗樹溝又有

小張溝至此山角漸轉行人難覺非熟悉地形者鮮不迷  
誤焉峯回路轉漸向東有小骨頭峪在小張溝小骨頭峪  
間有通區截區碑清道光四年蔡公鑾登所建過此爲大  
骨頭峪申志崖崩獲骨焉形與常異峪以是名山北傾斜  
處皆呼塌坡明末黃河嚙山時冲刷之餘也又東有官莊  
峪入溝後卽分兩道故有東溝西溝之目申志在山陰瀕  
河處層巒疊嶂錯綜參差而中實杳然以深廓而有容外  
濱大河至隆冬沍寒時水澤腹堅惟此不凍可通舟楫凡  
往來急迭使多問津於此云按明史占奪民業而爲民厲  
者莫如諸王勛戚中官庄王田邑藩封明太祖第五子橚

封於周餘子壘封河陰王故明一統志云河陰王府在開  
封墓在朱仙鎮廣輿圖周府二十五郡河陰居一申志灘  
田云經明之世藩患始息又云昔爲王租今爲皇糧據此  
峪係明代戚里不待言矣今之居民皆清初移自山南非  
其舊也內西有一徑可至骨頭峪山崖斷處谷風習習四  
時無間地雖僻亦勝概也南上有土寨向無居人東南二  
里許有一嶺東爲張套西爲段套不成村落與官莊峪實  
同井焉有廣治峪卽明廣治保也申志圖作廣治志作廣  
智誤明弘治間西來寺鐵佛像欸識廣治保鋪頭村云云  
地形雖改約當在此明新興峪卽新興保申志有圖無說

今無從推考官庄峪東三里詔下峪申志云韓信定齊請  
立假王遣張良奉詔往立爲真王附會無稽後遇此類記  
名而已東一里爲劉溝在唐時卽著名故今山崖崩處時  
見古物南端有泉後以山崩塞枯西山上有天成寨王鐵  
鎗屯兵處也光緒三十三年創修天成寨時發掘古物甚  
多有人頭骨一大如斗石斧一觀此則是山之經營當不  
始於彥章已南里餘有窪地俗名湖套或曰彥章飲馬池  
恐係附會天成砦之西曰窰院曩時耕者嘗掘得小窰數  
處又有一砦名安貞砦築時在天成砦前又東一里爲陳  
溝卽丁家峪宋丁半府舊居也上有山砦又四里爲寨子